
Saknr: 2020/1931-16
Saksbehandlar: Dagmar Reutz Hillestad

Saksgang

Utval	Utv.saknr.	Møtedato
Rådet for menneske med nedsett funksjonsevne		07.05.2020

TT og arbeidsreiser

Forslag til vedtak

Saka vert lagt fram utan tilråding.

Samandrag

I samband med budsjettprosessen for 2020 føreslo fylkesrådmannen ymse innsparingstiltak. Eitt av dei var å avvikla arbeidskøyninga for TT-brukarar. Dette vart grunngeve med at dette ikkje er ei lovpålagt oppgåve, og Hordaland var det einaste fylke som hadde ordninga. Årleg kostnad er om lag 11 mill. kroner, og forslaget gjekk ut på å redusera løyvinga med 8 mill. kroner slik at transporten kunne gå fram til 1. april 2020. Under fylkestinget si budsjettbehandling vart innsparinga vedteken utan at ordninga vart avvikla. Det vart i den same saka fatta eit verbalforslag der ein ber om at det vert gjort ein gjennomgang av bruken av TT-kort for arbeidsreiser slik at dei som er heilt avhengige av ordninga for å kome på arbeid, får halde fram med å bruke ho. Saka vert framlagt for politisk behandling våren 2020.

Bertil Søfteland
seksjonssjef

Dagmar Reutz Hillestad
utvalssektetær

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

I samband med budsjettprosessen for 2020 vart dei ulike avdelingane pålagt å koma med forslag til innsparingar, for samferdsel utgjorde dette 40 mill. kroner. Ein av innsparingane som fylkesrådmannen føreslo var å avvikla arbeidskøyninga for TT-brukarar. Dette vart grunngeve med at dette ikkje er ei lovpålagt oppgåve, og Hordaland var det einaste fylke som hadde ordninga. Årleg kostnad er om lag 11 mill. kroner, og forslaget gjekk ut på å redusera løyvinga med 8 mill. kroner slik at transporten kunne gå fram til 1. april 2020.

Under fylkestinget si budsjettbehandling vart innsparinga vedteken utan at ordninga vart avvikla. Det vart fatta fylgjande verbalforslag:

TT-brukarar, arbeidsreiser

Forskrift for TT-ordninga for Vestland fylke blir samordna/endra slik at arbeidsreiser ikkje vert utelukka. Jf. informasjon om TT-ordninga på helsenorge.no og sfj.no sine sider:

TT-ordninga er i utgangspunktet eit tilbod om fritidsreiser, men kan nyttast til alle typar reiser med unntak av:

- *reiser som blir betalt av trygdekontor. Eigendel ved slike reiser skal transportbrukar betale sjølv på lik line med andre som reiser for trygda si rekning*
- *reiser til og frå skule*
- *andre reiser betalt av det offentlege*

Det vert gjort ein gjennomgang av bruken av TT-kort for arbeidsreiser, der dei som er heilt avhengige av ordninga for å kome på arbeid, får halde fram med å bruke ho.

Kostnaden blir dekkja innanfor det statlege tilskotet til ordninga.

Konklusjon

Saka vert lagt fram utan tilråding.